

Na osnovu člana 12. Zakona o javnim preduzećima u Federaciji Bosne i Hercegovine („Službene novine Federacije BiH“, broj 8/05, 81/08, 22/09 i 109/12), člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj 12/03, 34/03, 65/13.), člana 263. tačke 3. Zakona o privrednim društvima („Službene novine Federacije BiH“, broj 81/15 i 75/21), člana 9. Odluke o utvrđivanju standarda i kriterija za imenovanje na upražnjene pozicije u reguliranim tijelima Grada Gračanica („Službeni glasnik Grada Gračanica broj: 03/25) članova 71., 78. i 79. Statuta J.P. „Komus“ d.o.o. Gračanica broj: 01/2-1164/19 od 21.11.2019. godine, Odluke o raspisivanju konkursa za izbor i imenovanje direktora broj: 01/3-459/25 od 20.05.2025. godine, Nadzorni odbor J.P. Komus d.o.o. Gračanica, raspisuje:

K O N K U R S
za izbor i imenovanje
direktora J.P. Komus d.o.o. Gračanica

Raspisuje se konkurs za izbor i imenovanje direktora J.P. Komus d.o.o. Gračanica, na mandatni period od 4 (četiri) godine, sa mogućnošću ponovnog imenovanja.

I. Opis pozicije direktora J.P. Komus d.o.o. Gračanica

- organizuje rad i rukovodi poslovanjem, zastupa i predstavlja Društvo i odgovara za zakonitost poslovanja;
- priprema i predlaže Nadzornom odboru i Skupštini opšta akta Društva i odluke iz poslovanja Društva za čije su donošenje nadležni Nadzorni odbor ili Skupština Društva;
- donosi opšta akta Društva, čije donošenje nije u nadležnosti Nadzornog odbora ili Skupštine Društva;
- zastupa Društvo prema trećim licima u okviru djelatnosti Društva;
- izvještava Nadzorni odbor na zahtjev Nadzornog odbora;
- podnosi Nadzornom odboru izvještaj o poslovanju Društva po polugodišnjem i godišnjem obračunu;
- vrši provedbu etičkog kodeksa i odgovara za dosljedno provođenje etičkog kodeksa u Društvu;
- predlaže Nadzornom odboru i Skupštini Društva, planove i programe poslovanja, kao i razvoja Društva;
- izrađuje i nadgleda realizaciju planova poslovanja;
- izrađuje provedbeni propis o nabavci kojim će se urediti postupak nabavke u Društvu u skladu sa važećim propisima o nabavci;
- nadzire zaposlenike javnog preduzeća u implementaciji važećih propisa o nabavci, te odredaba provedenog propisa o nabavci u Društvu;
- podnosi izvještaje o nabavci Odboru za reviziju u roku od 15 (petnaest) dana i Nadzornom odboru u roku od 30 (trideset) dana od dana zaključenja ugovora o nabavci;
- zaključuje ugovore u ime Društva;
- izvršava odluke Skupštine i Nadzornog odbora Društva;
- priprema prijedlog o raspodjeli dobiti;
- zapošljava i otpušta radnike u skladu sa postupcima utvrđenim u Pravilniku o radu, te relevantnim važećim propisima;
- primjenjuje preporuke Odbora za reviziju u rokovima koje u pogledu njihove realizacije utvrdi Odbor za reviziju;

- obavlja i druge poslove na osnovu i u skladu sa odredbama relevantnih propisa iz oblasti poslovanja privrednih društava.

II. Kandidat koji aplicira za poziciju direktora J.P. Komus d.o.o. Gračanica mora ispunjavati opće i posebne uslove

a) Opći uslovi su:

1. da je državljanin Bosne i Hercegovine,
2. da je stariji od 18 godina ali ne stariji od 65 godina na dan imenovanja,
3. da je zdravstveno sposoban za obavljanje poslova na koje se kandiduje,
4. da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja javnog konkursa,
5. da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
6. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH („Službene novine FBiH“ broj: 34/03 i 65/13),
7. da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u institucijama vlasti Bosne i Hercegovine,
8. da nema privatni/finansijski interes u J.P. Komus d.o.o. Gračanica,
9. da nije osuđivan za krivično djelo nespojivo sa dužnošću direktora, pet godina od dana pravosnažnosti presude, isključujući vrijeme zatvorske kazne,
10. da nije lice kome je pravosnažnim rješenjem izrečena zaštitna mjera „zabrana vršenja poziva, djelatnosti ili dužnosti“ niti zabrana aktivnosti direktora u javnim preduzećima,
11. da pred sudovima na području Bosne i Hercegovine nije podignuta optužnica koja je stupila na pravnu snagu, odnosno nije potvrđena optužnica, a niti da je izrečena osuđujuća presuda za krivično djelo sa propisanom kaznom zatvora do 5 (pet) godina ili novčanom kaznom kao glavnom kaznom.

b) Posebni uslovi su:

1. da ima visoku stručnu spremu VII stepen ili završen prvi ciklus studija po Bolonjskom procesu sa ostvarenih 240 ECTS bodova,
2. da ima najmanje 3 (tri) godine radnog iskustva nakon sticanja visoke stručne spreme na poslovima u okviru svog zanimanja,
3. da nije član upravnog ili nadzornog odbora u nekom od reguliranih organa Grada Gračanica,
4. komunikativne i kreativne sposobnosti za savjesno, odgovorno i odlučno obavljanje upražnjene pozicije,
5. sposobnost tumačenja propisa iz oblasti komunalne djelatnosti,
6. sposobnost upravljanja finansijskim i ljudskim resursima,
7. da je prošao odgovarajuće usavršavanje u skladu sa članom 252. stav 3. Zakona o privrednim društvima i Uredbom o usavršavanju predsjednika i članova Nadzornih odbora i Uprava privrednih društava sa učešćem državnog kapitala („Službene novine Federacije BiH", broj: 71/09, 33/10, 23/11, 2/12, 80/13, 60/16, 88/17 i 19/22) ,
8. da ponudi program razvoja J.P. Komus d.o.o. Gračanica u mandatnom periodu, koji će biti predmet analize i ocjene u konkursnom postupku.

Prilikom procjene menadžerskih znanja i iskustava za izvršenje poslovnih i operativnih potreba Društva, kao posebni uslovi uzimaju se u obzir i sljedeći kriteriji:

1. organizacijske sposobnosti i prilagodljivost timskom radu,
2. sposobnost savjesnog i odgovornog obavljanja poslova, te nepristrasnog i odlučnog donošenja odluka - rezultati rada ostvareni tokom prethodnog radnog angažmana.

III. Potrebni dokumenti

Potpisana prijava kandidata treba da sadrži kraću biografiju, adresu, email adresu i kontakt telefon.

Uz potpisanu prijavu treba dostaviti sljedeću dokumentaciju (original ili ovjerene kopije):

1. Diploma o završenoj visokoj stručnoj spremi VII stepen ili završen prvi ciklus studija po Bolonjskom procesu sa ostvarenih 240 ECTS bodova,
2. Uvjerenje o državljanstvu (ne starije od 6 mjeseci),
3. Izvod iz matične knjige rođenih,
4. Dokaz o traženom radnom iskustvu,
5. Program razvoja Preduzeća za mandatni period,
6. Izjave o činjenicama nabrojanim u alinejama 4. do 8. Općih uslova iz Konkursa i Izjava o činjenicama iz alineje 3. Posebnih uslova iz Konkursa,
7. Certifikat o završenom usavršavanju izdat od nadležnog organa. Kandidati koji ne posjeduju uvjerenje o usavršavanju dužni su dostaviti Izjavu potpisanu i ovjerenu od strane nadležnog organa kojom kandidat izjavljuje da preuzima obavezu da usavršavanje obavi u roku od šest mjeseci od dana imenovanja na traženu poziciju,
8. Uvjerenje/potvrda da kandidat nije osuđivan za krivično djelo nespojivo sa dužnošću direktora, pet godina od dana pravosnažnosti presude, isključujući vrijeme zatvorske kazne izdato od nadležnog suda (ne starije od tri mjeseca),
9. Uvjerenje/potvrda da kandidatu nije izrečena zaštitna mjera „zabrana vršenja poziva, djelatnosti ili dužnosti“ niti zabrana aktivnosti direktora u javnim preduzećima izdato od nadležnog Općinskog suda prema mjestu prebivališta kandidata (ne starije od 3 mjeseca),
10. Uvjerenje nadležnog suda da pred sudovima na području Bosne i Hercegovine nije podignuta optužnica koja je stupila na pravnu snagu, odnosno nije potvrđena optužnica, a niti da je izrečena osuđujuća presuda za krivično djelo sa propisanom kaznom zatvora do 5 (pet) godina ili novčanom kaznom kao glavnom kaznom (ne starije od 3 mjeseca),
11. Eventualno druge dokaze o ispunjavanju općih i posebnih uslova.

Podnosioci prijava koji uđu u uži izbor biti će pozvani na intervju.

Podnosioci prijava s kojima se ne stupi u kontakt u roku od 8 dana od dana isteka roka za podnošenje prijava, neće biti uzeti u razmatranje u daljnjem postupku imenovanja.

Nepotpune i neblagovremene prijave neće se uzeti u razmatranje.

Društvo nije obavezno vraćati dokumentaciju dostavljenu uz prijavu.

Izabrani kandidat će biti dužan dostaviti uvjerenje o radnoj sposobnosti za obavljanje dužnosti/poslova direktora.

Konkurs za podnošenje prijava ostaje otvoren 15 dana od dana objavljivanja.

Posljednji dan podnošenja prijava računa se prema datumu objave u glasilu koje posljednje bude objavilo konkurs.

Konkurs će se objaviti u:

- „Službenim novinama Federacije BiH“,
- dnevnom listu „Oslobođenje“
- na web stranici Grada Gračanica i J.P. „Komus“ d.o.o. Gračanica i na Radiju Gračanica.

Na poleđini koverta upisati ime i prezime podnosioca prijave, adresu i kontakt telefon.

Prijave sa potrebnom dokumentacijom treba dostaviti lično ili preporučenom poštom sa naznakom i na adresu:

J.P. Komus d.o.o. Gračanica
Ul. Muhameda Seida Mašića b.b., 75320 Gračanica
sa naznakom „Prijava na konkurs za izbor i imenovanje direktora J.P. Komus d.o.o. Gračanica
– NE OTVARATI“